

**KERATAN AKHBAR-AKHBAR TEMPATAN  
TARIKH: 3 SEPTEMBER 2015 (KHAMIS)**

<b>Bil</b>	<b>Tajuk</b>	<b>Akhbar</b>
1.	IIM, MIMOS meterai MoU untuk gunakan ujian Integriti Malaysia	BERNAMA
2.	Penipuan duduki tempat teratas dalam jenayah cyber – CyberSecurity	BERNAMA
3.	Kesan 380 titik panas	Harian Metro
4.	Jerebu: Wan Junaidi suarakan kebimbangan, lebih banyak titik panas dikesan	BERNAMA
5.	380 hotspots detected	The Star
6.	Haze advisory issued to schools in Penang	The Star
7.	Empat individu dipanggil bantu siasatan kes tembak di Kuala Terengganu	BERNAMA
8.	Deadline for safer water	The Star
9.	Gempa bumi sederhana di Laut Sulawesi – Jabatan Meteorologi	BERNAMA



## IIM, MIMOS Meterai MoU Untuk Gunakan Ujian Integriti Malaysia

PUTRAJAYA, 2 Sept (Bernama) -- Memorandum persefahaman (MoU) yang dimeterai antara Institut Integriti Malaysia (IIM) dan MIMOS akan menyaksikan penilaian psikometrik, yang disebut sebagai Ujian Integriti Malaysia (MIT) bertujuan menilai integriti seseorang individu, digunakan tidak lama lagi.

Presiden IIM Dr Anis Yusal Yusoff berkata ujian itu dibangunkan MIMOS sejak 2009 merupakan cara untuk memprofil kebolehppercayaan, kejujuran dan kecenderungan seseorang itu untuk menegakkan integriti dengan penuh berdisiplin.

"Ini akan membolehkan sesebuah pertubuhan itu membuat keputusan dengan didasari maklumat berhubung proses pengambilan dan perkembangan pekerja," katanya menerusi kenyataan di sini Rabu.

MoU itu yang ditandatangani semalam bertukar-tukar antara Menteri di Jabatan Perdana Menteri Datuk Paul Low dan Menteri Sains, Teknologi dan Inovasi Datuk Wilfred Madius Tangau di luar Persidangan Anti Rasuah Antarabangsa ke-16 di sini hari ini.

Anis berkata berdasarkan keputusan ujian lima tahun, MIT kini sedia untuk pelaksanaan dalam sektor awam untuk meningkatkan standard integriti penjawat awam.

MIT adalah penilaian psikometrik berasaskan kertas yang boleh digunakan oleh pertubuhan untuk menilai sama ada pemohon pekerjaan dan pekerja sedia ada boleh diharapkan untuk bertindak dengan berintegriti.

-- BERNAMA



## Penipuan Duduki Tempat Teratas Dalam Jenayah Siber - CyberSecurity

KUALA LUMPUR, 2 Sept (Bernama) -- Penipuan merupakan kes jenayah siber paling banyak dilaporkan di negara ini sejak lima tahun lepas, kata [CyberSecurity](#).

Ini berdasarkan laporan yang diterima Pasukan Respons Kecemasan Komputer Malaysia (MyCERT), kata [eksekutif kanan Jabatan Outreach dan Komunikasi Korporat CyberSecurity Aaron Ikram Mokhtar](#).

Beliau berkata satu kaji selidik baru-baru ini mendapati rakyat Malaysia menghabiskan masa purata 20 jam seminggu secara dalam talian dan menurut beliau, lebih banyak masa digunakan seseorang secara dalam talian, maka lebih tinggilah risiko yang dihadapinya untuk menjadi mangsa jenayah siber.

"Malah, jika seseorang itu hanya menghabiskan masa sejam seminggu melalui Internet, peluangnya untuk menjadi mangsa jenayah siber ialah kira-kira 64 peratus," katanya ketika berucap dalam sesi 'Safecities and CyberSecurity' pada Pameran dan Persidangan Kebakaran dan Keselamatan Antarabangsa (IFSEC) Asia Tenggara 2015 di sini Rabu.

Beliau berkata, oleh itu persoalannya bukan "adakah seseorang itu akan menjadi mangsa jenayah siber, tetapi bilakah seseorang itu akan menjadi mangsa jenayah siber".

"Untuk mengelak daripada menjadi mangsa, anda perlu meningkatkan tahap kesedaran tentang keselamatan...seperti tidak sekali-kali memandang remeh keperluan mengemaskinikan antivirus komputer anda," kata Aaron Ikram.

Menurut beliau, CyberSecurity telah memperkenalkan program bagi meningkatkan kesedaran mengenai keselamatan siber dan mendidik pengguna Internet tentang cara melindungi diri daripada menjadi mangsa jenayah siber.

Jenis jenayah siber lain yang dilaporkan termasuk gangguan siber, penafian perkhidmatan, pencerobohan dan jenayah berkaitan kandungan.

-- BERNAMA

